

فقدت السينما هذا التوجه والتوجهات الموازية وركزت على دورها الترفيهي والتجاري إلى جانب موضوعات السينما السوداء التي تصور الجانب المظلم من المجتمع وتؤكد على هيمنته و سطوته في سياط تجلد بها الذات.. بعد أن كانت هذه السينما تجسد الشخصية المصرية وموروثاتها التاريخية والاجتماعية والدينية بأشكال التعبير المختلفة من الرمزية والتعبيرية الى التعامل مع الحاضر بواقعية تحمل مشعل الخروج من هذا النفق المظلم التي تصر عليه السينما المصرية الآن كي تتركنا بداخله حتى بعد نهاية العرض.. هذه قضية يعيها تماما القائمون على صناعة السينما في مصر بعد أن تهاوت بجيل الوسط ولم ياتي جيل الشباب بجديد لإنقاذها.. وهذه القضية لها عدة أبعاد مختلفة كما أن لها أسباب كثيرة أدت لما آلت إليه الآن

والنهوض بها ليس بالأمر العسير.. البعد الأول هو البعد التمويلي ومشكال الإنتاج السينمائي.. البعد الثاني هو التطور التكنولوجي في التقنية السينمائية ومشكلته في حرفة التقنية.. والبعد الثالث هو ضعف المنافسة للمنتج السينمائي العالمي وشاشات الفيديو ومشكلته في عدم القدرة على جذب الجمهور العربي لصالة العرض التي فقدت بريقها الاجتماعي.. البعد الرابع في قلة دور العرض وندرة التوزيع الخارجي حتى على المستوى العربي للفيلم المصري.. البعد الخامس هو الموضوع الدرامي ومشكلته في حدوده مفككة ومعالجة سطحية وحوار ركيك.. البعد السادس هو العنصر البشري في هذه الصناعة المحكومة من تقليديين عقيدتهم الإبداعية أن يكون الفيلم خليطا من الإثارة الجنسية ولطم الوجوه والركل بالأرجل والهزل والبكاء أيا كان الموضوع.. البعد السابع في عدم رعاية الدولة لصناعة السينما الروائية

والشعبية إلا في مهرجانين هما مهرجان القاهرة ومهرجان الإسكندرية.. وهذا البعد يعول عليه السينمائيون كثيرا.. ورعاية الدولة لا تعنى أن تمتلك أدوات الإنتاج ودور العرض ومهمة التوزيع كما كان الوضع في الماضي.. لكن الرعاية المقصودة هنا هي رعايتها لها كما ترعى الصناعات الأخرى تشريعا وتحضيرا وتجهيزا لسوق العمل في الفيلم المصري وتحريك المياه الراكدة وخلق فرص استثمارية وتمويلية أكبر لصناعة السينما من أجل جودة الإنتاج والتصدير خارج الحدود لما لهذه الصناعة من أهمية عظمى للدولة بجميع عناصرها.. وللحديث تنمة..

كلمتين وبس..

بالمصري الفصيح كده.. تعالوا نقعد قعدة مصطبة.. ونقول بالبلدى.. العيال بتوع الكورة دول أثبتوا أنهم رجاله.. وعرفوا يخلوا الرياضة والمنافسة الرياضية عمل وطني لا يقل عن كل الأعمال اللي المفروض إنها بتخدم البلد.. يعنى مش مجرد شوية عيال بتلعب كورة.. وسبيك منهم.. وخلينا في أكل عيشنا.. واللا.. يا سيدى كسبوا واللا خسروا.. أحنا حابيننا أيه بس.. لأ.. قدروا يخلوك تحس أنهم لو كسبوا أنت اللي كسبان ولو خسروا أنت اللي خسران.. ليه.. لأنهم زرعوا مصر جواهرم.. وحسبوا صح.. لو كسبنا في منافسة رياضية حانثرب كاس النصر ونروح..

ولو كسبنا لمصر حائشرب ٨٠ مليون كاس
للنصر مع الأهل والحتة والبلد والدنيا كلها.. دى
مصر بتحب كل الدنيا.. وبتحب أولادها النايمين
والعطلائين والقاعدين.. فما بالك بولادها اللي
نفسهم يعملولها حاجة.. أكيد على رأسها من
فوق حاتحطهم.. وبعدين دى مصر عظيمة
قوى.. وكبيره قوى.. ولو حطانها جوانا حنبقى
زيها فى عظمتها وحسنها..

بس بينى وبينك الرئيس بتاعنا عمل حركة
مجدعه.. لما استقبل الولاد بتوع الكورة دول
وهما راجعين ياعينى من أم درمان خارجين من
مونديال كاس العالم.. أستقبلهم وداوى جراحهم
وقالهم عملتوا اللي عليكموا يارجاله.. وبصوا
للمستقبل.. نور الدنيا كلها فى قلوبهم.. برافوا
ياريس.. صحيح.. مصرى وابن مصرى..
وريس بحق كله مفهومية.. وابن بلدا بجد.. لكن
عايزين الجد.. أنا مابقتشى فاهم.. الأفراح دى
كلها.. عشان أحنأ بنحب بلدنا.. واللا عشان
بنحب الكورة.. طب لو بنحب بلدنا.. أيه اللي

إحنا بنعمله فيها ده.. عمال وفلاحين وموظفين
وإداريين ودارسين ومديرين.. أيه الإهمال ده
كله.. والكسل والرشوة والغش.. وحب الذات
عن الصالح العام.. وانعكاس ده كله على
حياتنا.. بشكل خلين كلنا نعانى منه.. طب لو
بنحب الكورة.. هو صعب قوى نعمل دورى
مدارس ابتدائى.. ودورى مدارس إعدادى..
ودورى مدارس ثانوى.. وبعدين دورى إدارات
تعليمية لكل مرحلة.. ودورى مديريات تعليمية..
قاعدة رياضية عريقة يعنى.. تغذى النوادى من
الدرجتين الأولى والثانية.. أعتقد لو عايزين
كاس العالم حانا خده.. بس نبدأ من دلوقتى..

الكورة عمل جماعى.. وإحنا عندنا طاقات وطنية
كبيرة ومخلصة فى كل المجالات.. ناس عايزة
تعمل حاجة للبلد فى البحث العلمى.. وناس فى

التنظيم والإدارة.. وناس فى التثقيف العام.. لكن
كل ده بعيد عن التيم ورك.. يعنى العمل
الجماعى.. حتى المراكز عمل فردى..
والجمعيات عمل فردى.. والحكومة عمل فردى..
العمل الجماعى اللي يخلينا نجيب اجوان فى
المنافسة الدولية والحضارية.. هو المناخ العام
المشجع.. هو أيد الحكومة مع المجتمع المدنى..
وأيد المجتمع المدنى مع الحكومة.. مش
المنافسة بينهم.. وكل واحد يقول أنا الصح
وغيرى اللي غلط.. العمل بيتحقق من دافع
ورغبة جوا الإنسان.. يعنى كل واحد فينا.. لو
عايز يخدم بلده بجد.. حاخدم حتى لو كان عامل
نظافة.. ولو عايزين قاعدة كروية عريضة ها
يحصل.. بس نخلص النيات.. المسألة من وجهة
نظرى سهلة ومش محتاجة ملايين الدولارات..
محتاجة نعرف أزاى نعبر عن الحب.. ونخطط
لتحقيق الذات.. وعلى رأى الفنان القدير
المرحوم فؤاد المهندس.. مش كده واللا أيه..